

Lëtzebuerg, den 9. Juli 2020

Här Fernand ETGEN
Chamberspresident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

Esou ewéi den Artikel 83 vum Chambersreglement et virgesäit, bieten mir Iech, dës parlamentaresch Fro un d'Madamm Ministesch fir Ëmwelt, Klima an nohalteg Entwécklung an un d'Madamm Ministesch fir Konsumenteschutz weiderzeleeden:

« Déi programméiert Obsoleszenz, d.h. d'Tatsaach, dass e Produit bewosst sou entworfen gëtt, dass en zu engem bestëmmten Zäitpunkt soll futti goen, en net gefléckt ka ginn an op déi Manéier de Konsument gezwonge gëtt, en neie Produit ze kafen, ass net nëmmen e Bedruch um Konsument, mee stellt och en immens ineffizienten a verschwendereschen Ëmgang mat eise Ressourcen duer.

Aus deem Grond huet Frankräich 2015, als éischt Land op der Welt, d'« obsolescence programmée » ënner Strof gestallt. Am Februar 2020 dunn huet e franséisch Geriicht den amerikanesche Konzern Apple zu enger Strof vu 25 Milliounen Euro verurteilt, well dee bewosst verschidden eeler iPhone-Modeller méi lues gemaach hat, wou en neie Modell op de Maart komm ass.

An deem Kader wollte mir der Madamm Ministesch fir Ëmwelt, Klima an nohalteg Entwécklung an der Madamm Ministesch fir Konsumenteschutz folgend Froe stellen:

- Huet d'Regierung wëlles eng änlech Legislatioun wéi a Frankräich och zu Lëtzebuerg anzeféieren ?*
- Wann net, wat wieren d'Grënn dofir ?*
- Am Koalitiounsaccord engagéiert sech d'Regierung, fir sech op europäeschem Niveau fir e legale Kader géint déi*

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

*programméiert Obsoleszenz anzesetzen. Wéi wäit sinn
d'Diskussiounen an deem Dossier ?*

- *Wat wieren déi eventuell Grënn, dass dës Diskussiounen
net viruginn ? »*

Mat déiwem Respekt,

Max HAHN
Deputéierten

Gusty GRAAS
Deputéierten